

說

文

外

編

說文外編卷五

吳縣雷浚

經字

春秋

旒 莊公二年夫人姜氏會齊侯于旒杜注旒齊地說

文無旒字禾部稊禾皮也玉篇禾部稊禾皮也又齊

地名知旒者稊之譌字玉篇禾部旒字在部末當是孫強輩據誤本春秋竄入禾

部所據古本也

媵 莊公十九年公子結媵陳人之婦于鄭說文無媵

字人部倭送也从人炎聲呂不韋曰有佻氏以伊尹

倭女即呂覽本味篇以伊尹媵女

侯 莊公二十二年及齊高侯盟于防說文無侯字孟

子百里奚史記秦本紀作侯左傳祁奚晉世家作祁

侯知侯即奚字潘廣文錫爵曰左傳辭彪侯古覽注作彪奚

侂 僖公九年晉侯侂諸卒說文無侂字公羊穀梁皆

作詭

鷓 僖公十六年六鷓退飛過宋都說文無鷓字陸釋

文曰鷓本或作鷓案史記宋世家作鷓漢書五行志

作𪗇𪗇說文正體

郟 文公五年秦人入郟說文無郟字漢書地理志南

郟若下云楚昭王畏吳自郟徙此師古曰春秋傳作

都據此則都卽若

唐 成公三年晉郤克衛孫良夫伐唐咎如說文無唐

字穀梁作𡗗

邾 成公六年取邾說文無邾字未詳

𡗗 成公十七年公孫嬰齊卒于狸𡗗說文無𡗗字穀

梁作𡗗案定公十四年天王使石尙來歸𡗗鄭周禮

掌蜃注引作來歸蜃釋曰公羊以為宜社之肉以蜃

器盛故名肉為蜃據此則𡗗蜃木相通其正字當作

𡗗說文𡗗社肉盛以蜃故謂之𡗗天子所以親遺同

姓从示辰聲春秋傳曰石尙來歸𡗗

邾 襄公七年十有二月公會晉侯宋公陳侯衛侯曹

伯莒子邾子于鄆鄭伯髡頑如會未見諸侯丙戌卒

于邾說文無邾字公羊穀梁皆作操

淠 襄公十六年公會晉侯宋公衛侯鄭伯曹伯莒子

邾子薛伯杞伯小邾子于淠梁說文無淠字陸公羊
釋文作吳梁云木又作淠

鄭 昭公二十年曹公孫會自鄭出奔宋說文無鄭字

穀梁作夢彼釋文曰木或作蔑案夢蔑聲之轉鄭俗

字 羣經音辨夕部夢曹地也注引春秋傳曹公孫

會自夢出奔宋

鶴 昭公二十五年有鶴。鶴來巢。說文無鶴字。陸釋文曰：鶴本又作鶴。案說文：鶴，鵠也。淮南原道訓：鵠，鵠也。不過濟，如此作。

蹀 昭公三十一年，晉侯使荀蹀信公于乾侯。說文無蹀字。走部。趨，動也。引春秋傳：輔趨。今傳作蹀。趨，蹀正俗字。

春秋字十四表平二字不在內，例見卷二。

禮記

搏 曲禮：君子恭敬搏節，退讓以明禮。說文無搏字。刀部。剗，減也。此搏之正字。又通作搏。作搏。荀子不苟篇。

恭敬縛紕楊倞注。縛與搏同。仲尼篇。恭敬而傳。楊倞注。傳與搏同。

咄 曲禮。負劒辟咄。詔之。說文無咄字。淮南覽冥訓。蠶咄絲而商弦絕。高誘注。咄或作珥。案天文訓。蠶珥絲而商弦絕。字作珥。

漆 曲禮。蔥漆處末。案漆是唐人避諱字。故說文玉篇皆無此字。陸曲禮釋文作凜。凜者漆之正體。唐初人尚不爲太宗諱也。

嚙 曲禮。毋嚙羹。鄭注。亦嫌欲疾也。一切經音義卷十五。引埤蒼。嚙。歎也。說文無嚙字。舌部。齧。歎也。从舌沓。

聲卽蹇字

弣 曲禮左手承弣鄭注弣把中正義曰謂弓把也說文無弣字少儀屈襜執弣正義曰弣弓把也下文制授弣鄭注弣謂把正義曰制謂曲刀弣謂制把字皆作弣此假借字刀把之正字當作劔說文劔刀握也从刀缶聲是也因之弓把亦或作劔廣韻九麇弣劔同

掬 曲禮受珠玉者以掬鄭注掬手中說文無掬字玉篇掬鞠同說文鞠撮也又勺部掬逗在手曰掬蓋以一手五指撮之曰掬以兩手奉之曰掬唐風蕃衍盈

躬小雅不盈一躬毛皆云兩手曰躬

肅 曲禮前有摯獸則載龜肅說文無肅字疑古祇作
休然無可證

夔 曲禮介者不拜爲其拜而夔拜說文無夔字新附
作夔鈕氏新附攷曰夔疑莖之俗體通作蹲案以夔
爲莖之俗體其說迂曲難據作蹲本陸曲禮釋文證
以襄公三十三年公羊傳何注自是可據

箴 曲禮素箴鄭注箴覆笈也說文無箴字陸釋文曰
箴本又作幟案說文幟蓋幟也从巾蔑聲箴蓋幟之
俗省而又譌廿爲竹

樵 曲禮庶人樵樵說文無樵字魯語樵僥氏長三尺
短之至也說文人部僥下云南方有焦僥人長三尺
短之極其字祇作焦山海經亦作焦疑曲禮樵樵本
作焦焦後人加偏旁

脰 曲禮鮮魚曰脰祭鄭注脰直也說文無脰字依義
當作挺士虞禮脯四脰鄉飲酒記薦脯五挺挺卽脰
說文胸脯挺也亦作挺

棋 曲禮棋棨脯脩棗栗鄭注棋枳棋也有實今邳邳
之東食之說文無棋字小雅南山有枸毛傳枸枳枸
宋玉風賦枳句來巢其字作枸作句皆假借字說文

木部積多小意而止也。段注謂有所妨礙含意未伸从禾从支只聲。一曰木也。榘，積榘也。从禾从又，句聲。一曰木名。榘者，棋之正字。積榘者，枳棋之正字。明堂位：俎，殷以棋。鄭注：棋之言枳棋也。謂曲撓之也。蓋枳棋，木多曲，故引伸之，義爲曲撓。許作積榘，則以曲撓爲本義。木名爲別一義。

緝 檀弓：南宮緝之妻。說文無緝字。玉篇：緝亦作緝。廣韻：六豪。緝同緝。案鄭士昏禮注：纏緝髮，卽內則注之：緝，韜髮者也。纏，緝一字。緝，韜一字。互詳後緝字下。又陸士昏禮釋文曰：緝本又作叟。案此借音字。

躡 檀弓毀宗躡行說文無躡字爾雅釋言跋躡也說文跟行步獵跋也獵即躡荀子議兵篇不獵禾稼楊倞注獵與躡同此假借字其正字似當作邁玉篇躡良涉切踐也說文邁協也从彳巛聲良涉切聲同義近形亦近說文从足从彳之字往往相通也

簣 檀弓有鐘磬而無簣虞說文無簣字周禮典庸器厥筍虞釋引檀弓此文簣作筍明堂位夏后氏之龍簣虞彼釋文曰簣本又作筍

紵 檀弓爵弁經紵衣說文無紵字陸釋文曰紵本又作緇又作純案玉藻大夫佩水蒼玉而純組紵鄭注

純當爲緇古文緇字或作糸旁才周禮某氏純帛無過五兩鄭注純實緇字也古緇以才爲聲據此則紂者緇之古文純者紂之譌字蓋篆文才作卍屯作𠂔形近易譌也說文有緇無紂則紂當作緇

輜 檀弓龍輜正義曰龍輜者殯時輜車載柩而畫輶爲龍說文車部無輜字輶一曰下棺車曰輶玉篇輶同輶亦通作輶鄭雜記注不易者不易以輶也廟中有載柩以輶之禮此不耳在大夫士死於道下陸釋文曰輶一本作輶同

輶 檀弓孫子戮戮陸音吐孫反說文無輶字依音可

作大車噶噶之噶五經文字九經字樣羣經音辨皆無噶字

墟 檀弓墟墓之間說文無墟字陸釋文作虛案說文

聖部虛大諱也昆侖諱謂之昆侖虛古者九夫爲井

四井爲邑四邑爲聖聖謂之虛此虛之本義爲墟之

本字引仲之爲空虛又引仲之爲比不實之稱

班 檀弓貍首之班然說文無班字廣韻二十七刪班

辨同說文辨駁文也案班不一義駁文足以包之故

王制班白者不提挈淮南脩務訓作辨白其實辨白

之正字當作鬢說文鬢須髮半白也从須卑聲而孟

子作頒白爲假借字。斑又有訓虎文者，亦可作辨。而正字則當作虛。說文：虛，虎文彪也。从虎，彬聲。布還切。而漢書敘傳：楚人謂虎斑爲假借字。

盼 王制：名山大澤不以盼。說文無盼字。鄭注：盼讀爲

班。凡漢人云讀爲皆易其字，則盼當作班。說文：班，逗

分瑞玉。句此盼之正字。今作盼者爲頒之別體。周禮

匪頒之式，借頒爲班。王制當與周禮同，後變爲盼耳。

頰 王制：諸侯曰頰宮。說文無頰字。从頁，不能會意也。

水部自有泮字。

仂 王制：祭用數之仂。鄭注以爲數之什一。喪用三年。

之。功注同。說文無功字。手部。扌。運。易筮再扌而後卦。
今易作掛。虞氏易注。扌。所揲之餘。玉篇。扌。下曰。凡數之餘。
謂之扌。此功之正字。古又通作防。考工記。輪人以其
圍之防。捐其蔽。鄭注。防。三分之一也。

植。王制。天子植。禘。說文無植字。植。卽特。古假直字爲
之。郊特牲。首也者。直也。鄭注。直。或爲植也。言直。或作
植也。鄭不廢植字。許不錄者。正字有特。通字有直也。
玉藻。君羔。帶虎植。鄭注。植。讀如直道。而行之。直。直。謂
緣也。然則虎植亦當作直。

例。王制。刑者。例也。例者。成也。一成而不可變。說文無

例字非部。荆罰鼻也。从井从刀。易曰井法也。井亦聲。凡刑罰字實用者當如此作。刀部刑到也。从刀开聲。虛用作殺字解者如此作。周禮小司寇注引王制刑者例也。例者成也。釋曰。上刑爲法。下例爲著。謂行法著人身體。案行法著人身體卽所謂到也。謂斷頭也。死者不可復生。斷者不可更續。故曰成也。一成而不可變。然則刑者例也。例者成也。依古當作刑者刑也。刑者成也。自刑字廢而刑字單行。刑者刑也。俗人不能解。遂加偏旁以別之。故此字他處罕見。大傳百志成。故禮俗刑。鄭注刑猶成也。學記教之不刑。鄭注刑

猶成也。其字皆作刑。無偏旁。

躄 王制。瘖聾跛躄。說文無躄字。止部。躄。人不能行也。

从止。躄聲。卽躄字。足部。蹇。一曰跛也。从足。敝聲。聲義

亦相近。漢書賈誼傳。又類。躄。且病。其字通用。躄。

侏 侏儒百工。說文無侏字。襄公四年左傳。侏儒是使。

祇作朱。漢書徐樂傳。東方朔傳。同。

𪔐 月令。掩骼埋𪔐。說文無𪔐字。廣韻五寘。𪔐同。𪔐。說

文。𪔐。𪔐。鳥獸殘骨曰𪔐。引明堂月令曰。掩骼。𪔐。𪔐。

鴛 月令。田鼠化爲鴛。爾雅釋鳥。鴛。鴛母。說文無鴛字。

鴛作鴛。鴛作牟。佳部。鴛。牟母。从佳。奴聲。或从鳥作鴛。

因變爲駕耳。

筮 月令調竿笙筮簧。說文無筮字。筮者箎之異體。說文箎在龠部。爲箎之重文。

螢 說文無螢字。月令腐草爲螢。陸釋文作爲熒。爾雅釋蟲熒火卽螢火。後漢書孝靈帝紀夜步逐熒光行數里亦如此作。

倮 月令其蟲倮。倮者裸之別體。說文裸在羸部。爲羸之重文。

壅 月令謹壅塞。說文無壅字。玉篇作壅。土部壅。於恭於勇二切。塞也。障也。隔也。周禮雍氏掌溝瀆滄池之

禁鄭曰雍謂隄防止水者今從土以上玉篇案今從土者

謂今從土作雍也周禮雍字不從土古假借字也小

雅維塵雍兮僖公九年穀梁傳毋雍泉皆如此作說文

作又通作廳漢書五行志廳河三日不流師古曰廳

讀曰雍其正字當作邕說文川部邕逗四方有水自

邕成池者漢書王莽傳長平館西岸崩邕涇水不流

如此作

蹕 曾子問王出廟入廟必蹕說文無蹕字走部趨止

行也从走畢聲此蹕之正字周禮大司寇使其屬蹕

陸釋文作趨漢書梁孝王傳出稱警入言趨韓安國

傳同。後漢書鮑期傳：期騎馬奮戟，瞋目大呼。左右曰：「趨！」章懷注：「趨與蹕同。」

醕

曾子問：醕，不酢而已矣。說文無醕字。玉篇：醕同酌。

說文：酌，少少飲也。此醕之正字。士虞禮：酌尸。鄭注：古文醕作酌。特牲饋食注：少牢饋食注同。酌皆酌之譌。

斝

曾子問：祭殤，不舉。無斝。說文無斝字。斝，疑可。

通作折俎。少儀：其有折俎者，取祭肺，反之不坐。燔亦如之。尸則坐。鄭注引少牢饋食禮曰：尸左執爵，右兼取肝肺，擣于俎。鹽振祭，膾之，加于菹豆。案少牢此文，在主人醕尸下。經云：右兼取肝，無肺字。鄭誤也。少儀

云尸則坐者。少牢饋食禮曰。祝出迎尸于廟門之外。主人降立于阼階東。西面。尸入門左。升自西階。尸升筵。祝主人皆拜。安尸。尸答拜。遂坐。以下有祭肺之事。有主人羞所俎之事。經不云興。則尸坐也。特牲饋食禮有所俎。有折俎。所俎主于尸。折俎主于賓。與尸不涉。故少牢迎尸安尸。下有所俎。無折俎。少儀約其辭。則有折俎。無所俎。說文又無折字。故疑所可通作折。至其音則所音祈。而折字亦有平聲一讀。檀弓吉事欲其折折爾是也。

塋 曾子問。葬引至于塋。鄭注。塋。道也。說文無塋字。疑

可作互。木部。極竟也。从木恆聲。古鄧切。互。古文極。陳氏壽祺曰。極卽至于垣之垣。蓋極之木義。訓竟引伸之訓道。

讞 文王世子。獄成。有司讞于公。說文無讞字。玉篇曰。讞。說文作澁。議皐也。案說文。澁。議皐也。从水與澆同意。

杯 禮運。汗尊而杯飲。鄭注。杯飲。手掬之也。陸音。杯。步侯反。說文。手部。無杯字。掙。引取也。从手孚聲。步侯切。杯。掙聲。同義。近杯。當卽掙之異體。或以土部。坏字。當之。云。史取長陵一杯土。卽顏闔鑿坏之坏。與鄭義不

合。

檜 禮運夏則居檜巢。說文無檜字。陸釋文曰：檜本又作檜。案說文：郟，北地高樓無屋者。此檜巢之正字。淮南原道訓：木處椽巢。高注：聚木曰椽。說文：椽，椽也。此檜巢之最古字。檜字當尙後出。又爾雅釋獸：豕所寢。運：檜，句。陸釋文曰：舊本多作檜。帛字非。方言作木旁。浚案：方言作木旁。方言多俗字。不足據。小雅有豕白蹄。烝涉波矣。鄭箋：今離其烝牧之處。亦作烝。帛之烝。此自古相傳假借字。而陸不知。陸之陋也。

冪 禮運疏：布以冪。鄭注：冪，椽尊也。注疏本如此。說文

無幕字陸釋文作以幕阮氏校勘記曰石經作幕又
曰依說文當作幙从巾冥聲按案周禮幕人以疏布
巾幕八尊以畫布巾幕六彝其字皆作幕則禮運亦
必作幕可知周禮幕人說文幙下引作幙人則幕卽
幙字又可知顧說文幙幙也引周禮幙人亦說假借
之例覆尊之正字當作冪說文部首一覆也从一下
垂也莫狄切又通作耶禮器犧尊疏布冪

猶

禮運鳳以爲畜故鳥不猶鄭注猶飛之貌正義曰

鶩飛也說文無猶字陸釋文作鶩案鄭周禮大司樂

注引此文作鶩此假借字其正字當作趨說文趨狂

走也。狂走與驚飛義近。

甒 禮器。君尊。瓦甒。說文無甒字。士冠禮。側尊一甒。醴

鄭注。古文甒作庶。案荀子禮論篇。甒庶。字作庶。

於 禮器。大夫士於禁。鄭注。於斯禁也。謂之於者。無足

有似於於。因名云耳。正義曰。既夕禮。設於於東堂下。

注云。於今之舉也。特牲注云。於之制。如今大木舉矣。

上有四周。下無足。斯禁亦無足。因名斯禁云於耳。浚

案據此說。則於本斯禁。因無足似舉。改名。說文無於

字。許意當作斯也。今作於。可以舉字代之。於字蓋後

出。熊氏謂後世作記之人。始名爲於。其說不盡無據。

擗 禮器有擗而播也。鄭注：擗之言芟也。謂芟殺有所與也。說文無擗字，芟卽擗之正字。古或假擊字爲之，變作擗耳。

鞞 說文無鞞字。禮器，橐鞞之設。鄭注：穗去實曰鞞。禹貢三百里鞞服。鄭注：案今禹貢作秸。彼釋文曰：秸本或作稽。說文：稽，禾橐去其皮。祭天以爲席。从禾皆聲。本在皆部，重讀入黠部。故唐韻古黠切爲鞞。秸之本字。

服 郊特牲：大饗尚服脩而已矣。說文無服字，昏義：婦執笄棗栗段脩以見，祇作段。彼釋文曰：本又作服。或

作銀同。案莊公二十四年公羊傳。暇脩云乎。穀梁作銀脩。陸公羊釋文作斷脩。

炳 郊特牲。既奠然後炳蕭。合糶。鄭注。蕭。薌蒿也。染以脂。合黍稷燒之。說文無炳字。陸釋文曰。炳如悅反。與藝音義並同。案說文。藝。燒也。爲炳之本字。

臚 郊特牲。腥肆爛臚祭。鄭注。臚。熟也。說文無臚字。食部。飪。大孰也。从食壬聲。臚。古文飪。卽臚字。儀禮聘記。唯羹飪筮一尸。鄭注。古文飪作臚。其證也。臚者。飪之形變。

補訂春秋禮記字

郭 成公六年取郭。說文無郭字。襄公九年左傳門于

郭門。陸釋文曰。郭本亦作專。昭公二十六年公羊傳

盟于郭陵。陸釋文曰。郭本亦作專。

鞞 檣弓。孺子鞞。說文無鞞字。案此人名。無義可推。玉

篇。鞞。吐門切。黃色。黓。他孫切。黃濁色。音義竝合。說文

黓。黃濁黑也。疑黃濁黑為黃濁色之譌。黓即鞞之正

字。

說文外編卷六

吳縣雷浚

經字

禮記

繼 內則栉繼笄總鄭注繼韜髮者也說文無繼字玉
篇繼同纚士昏禮纚笄宵衣鄭注纚緇髮卽內則注
之繼韜髮又通作斯問喪篇雞斯徒跣雞斯卽笄纚
二字皆假借

捍 內則右佩玦捍鄭注捍謂拾也言可以捍弦也說
文無捍字玉篇捍同扞祭法能捍大患則祀之陸釋
文作能扞魯語作能扞此假借字其正字當作戢文

侯之命扞我于艱。說文：戢，止也。引周書曰：戢我于艱。
繫。內則：施繫表。鄭注：繫，小囊也。下文：男鞶革，女鞶絲。
鄭注：鞶，小囊。說文：無繫字。革部：鞶，大帶也。易曰：或錫
之鞶帶。男子帶鞶，婦人帶絲。與鄭異義。而繫之爲鞶。
卽鄭義可據。陸釋文曰：繫字又作繫。案此假借字。

癢。內則：疾病苛癢。說文：無癢字。陸釋文作養。案荀子
榮辱篇：骨體膚理，辨寒暑疾養。楊倞注：養與癢同。又
玉篇：癢，同痒。案說文：痒，瘍也。以痒爲癢，亦假借字。

萱。內則：董萱枌榆。鄭注：萱，董類也。冬用董，夏用萱。說
文：無萱字。疑卽萱之俗省。萱，萱一字。猶啗，啗一字也。

澹 內則澹澹以滑之說文無澹字史記三王世家蘭
根與白芷漸之澹中索隱引內則此文作澹澹而下
文搔澹之以爲醢說文亦無搔字鄭注搔讀與澹澹
之澹同蓋搔澹卽澹澹記者之異說文有澹無澹則
澹澹當據索隱作澹澹澹說文作澹有澹無搔則搔澹亦
當作澹澹也

綻 內則衣裳綻裂鄭注綻猶解也說文無綻字衣部
袒衣縫解也此綻裂之正字而古辭之故衣誰當補
新衣誰當綻則應作袒說文袒補縫也言故衣誰則
補之新衣誰則袒之故下接云賴得賢主人覽取爲

我粗。古人不忌重韻也。

礦 內則燻潘請礦。陸釋文曰：礦音悔。洗面。說文無礦字。玉篇曰：礦與類同。說文亦無類字。水部沫洒面也。从水未聲。荒內切。爲礦之正字。漢書禮樂志：髡赤汗。珠流赭。晉灼曰：珠古礦字。餘詳卷三類下。

漏 內則不共漏俗。說文無漏字。陸釋文曰：漏本又作漏。說文亦無漏字。漏卽漏。詳卷二漏下。

稭

稭 內則稭。鄭注：孰穫曰稭。生穫曰稭。說文無稭字。稭字。米部。稭糧也。稭。早取穀也。早取穀與生穫曰稭。

義合音側角切音亦合川樵卽樵字無疑稻亦卽稻字本皆从米轉寫譌爲禾旁耳

脚

腫 內則臠脚腫臠說文無脚腫二字公食大夫禮脚

以東臠臠牛炙鄭注古文脚作香臠作熏

鷄 內則雉兔鷄鷄說文鳥部無鷄字鷄雇也从鳥安

聲鳥諫切卽鷄字

臠 內則臠鄭注梅漿說文無臠字周禮酒正辨四飲

之物二曰醫卽內則之臠鄭司農引內則作臠又曰

醫與臠亦相似上云糟音聲與舊相文字不同記之

者異耳。臄蓋省併醫臄二字爲一字俗字。往往有此。

鱸 內則夏宜。脍鱸。鄭注：鱸，乾魚也。說文無鱸字。陸釋

文曰：鱸本又作臄。案說文：臄，乾魚尾。臄，臄也。从肉肅

聲。周禮有脍臄。卽庖人之脍臄。臄，臄也。正俗字。

藪 三牲用藪。鄭注：藪，芟菜莢也。說文艸部無藪字。藪

芟菜莢也。玉篇藪藪同。

腦 內則豚去腦。說文作囟。在匕部。

攢 內則榘。黎曰：攢之。說文無攢字。陸釋文曰：攢本又

作鑽。案說文：鑽，所以穿也。爾雅釋木：榘，黎曰：鑽之。如

此作又。文選司馬長卿上林賦：攢立叢倚。注引蒼頡

篇攢聚也。此攢字正作鄒。通作纂。說文鄒。百家爲鄒。鄒。聚也。潘安仁笙賦。耿桑下之纂纂。李善曰。纂與攢。古字通。攢聚貌。又說文木部。橫。一曰穿也。一曰叢木。此則訓穿。訓聚之字皆可用。

黹 內則烏黹色而沙鳴。鄭注。黹色。毛變色也。說文。無黹字。陸釋文作庶。周禮內饗。烏黹色而沙鳴。狸。鄭注。黹。失色不澤美也。陸釋文作黹。案說文。黹。牛黃白。色。此黹色之正字。內則釋文作庶。此假借字。

睫 豕望視而交睫。脰。說文。無睫字。玉篇。睫同。睽。說文。睽。目旁毛也。史記扁鵲傳。流涕長清。忽忽承睽。如此。

作

𩇛 內則去其𩇛鄭注𩇛謂皮肉之上魄莫也說文無
𩇛字肉部臙肉臙也案肉臙即所謂皮肉之上魄莫
也此臙之本義為𩇛之正字至下文引詩臙楊暴虎
乃引詩說假借互詳卷四檀下

𩇛 𩇛洩之以為醢鄭注𩇛洩亦博異語也上云封列
博異語也
故此說文無𩇛字𩇛當作滄詳前滄字下
云亦

𩇛 內則取牛羊麋鹿麕之肉必𩇛鄭注𩇛脊側肉也
說文月部無𩇛字脢背肉也从肉每聲易曰咸其脢
𩇛即脢之異體

膾 內則小切狼膾膏。鄭注狼膾膏臆中膏也。說文無膾字未詳。

袴 內則衣不帛襦袴。說文無袴字。糸部綺。脛衣也。玉篇袴亦作綺。漢書貢禹傳衣服履綺刀劍亂於主上。師古曰綺古袴字。孝昭上官皇后傳皆爲窮綺。師古曰綺古袴字也。

媿 內則姆教媿媿聽從說文有媿字無媿字

禴 玉藻進禴正義曰禴謂酒也故少儀注曰沐而飲

酒曰禴說文無禴字口部噤小食也从口幾聲居衣

切爲進禴之正字又白部既小食也从白光聲居未

切聲義皆通又鬼部夔鬼俗也引淮南傳吳人鬼越

人夔今淮南人閒訛作荆人鬼越人禴許所據作夔

漢書景十三王傳彭祖不好治宮室禴祥師古曰禴

字或作夔案此禴祥之正字

倮 玉藻若祭爲已倮卑乘倮是唐人避諱字陸釋文

作倮而說文亦無倮字玉篇倮下出重文倮字注云

字書傑字然則傑者傑之俗省傑更在其後故玉篇
尙無傑字

褶 玉藻帛爲褶鄭注有表裏而無著說文無褶字士
喪禮襚者以褶鄭注古文褶爲襲

祿 玉藻士祿衣正義曰鄭注士喪禮祿之言緣黑衣
裳以赤緣之沒案士喪禮祿衣鄭注黑衣裳赤緣之
謂祿祿之言緣也又曰古文祿爲緣說文無祿字糸
部緣衣純也段氏玉裁曰裕其邊而飾之也此緣之本義爲祿之正
字而周禮內司服緣衣鄭注以緣爲祿之字誤與士
喪禮注矛盾士喪禮注與說文合緣字當以去聲爲

本音平聲俗音。

璠

玉藻士佩璠玟正義曰璠玟石次玉者陸釋文曰

璠又作瑗同說文無璠字亦無瑗字石部瑗石次玉

者从石奐聲而沈切即璠瑗字史記司馬相如列傳

瑗石武夫賦子虛文選作瑗石

瘠

玉藻親瘠色容不盛鄭注瘠病也說文無瘠字莊

公二十年公羊傳大災者何大瘠也何休注瘠病也

彼釋文曰瘠本或作瘠據此則瘠即瘠字說文作瘠

簞

明堂位薦用玉豆雕簞鄭注簞籩屬也以竹爲之

說文無簞字喪大記食於簞者鄭注簞竹筥也彼釋

文曰篡本又作𦉳又作算案說文𦉳淥米鍤也此篡
之正字士冠禮爵弁皮弁緇布冠各一𦉳如此作
算假借字 漢書藝文志書之所起遠矣至孔子篡
焉孟康曰篡音撰此篡字爲養之異文詳手部撰下
𦉳 明堂位俎用椀𦉳鄭注椀始有四足也𦉳爲之距
陸釋文曰𦉳木又作椀說文無𦉳字亦無椀字木部
有槩 別字義 椀疑椀之譌說文手部擻从手有所把也與爲
之距義合

指 說文無指字明堂位指擊卽皋陶謨之戛擊段氏
玉裁曰戛同拊其意謂戛者拊之假借字說文拊刮

也从手介聲。古黠切。然則搯擊之搯可作戛，亦可作拞也。玉篇搯可皆切。摩拭也。此搯字亦可作拞。摩拭與刮義近，可皆切。與古黠切相爲平入也。

褫 少儀加夫褫與劔焉。鄭注：夫褫，劔衣也。夫或爲煩，皆發聲。說文無褫字。韋部韜，劔衣也。褫卽韜之異文。
鱗 少儀夏右鱗。鄭注：鱗，脊也。說文無鱗字。陸釋文作髻。說文亦無髻字。髻在新附。古通作者。說詳鈕氏新附攷。玉篇鱗同鱗。案此別一鱗字。公食大夫禮牛鮓。鄭注：今文鮓作鱗。與少儀鱗字無涉。

涪 少儀凡羞有涪者，不以齊。所見本如此，亦或作涪。

阮氏校勘記引毛氏居正云。滫。肉汁也。从泣聲也。从月。義也。非从聲音之音也。各本作滫。誤。五經文字以滫滫爲一字。注云。竝譌。及反。上从泣。下月。大羹也。下从泣。下曰。幽深也。今禮經大羹。相承多作下字。不敢便改。浚案。五經文字非也。阮引毛說。毛尤非也。說文無滫字。水部滫。幽溼也。从水音聲。去急切。夫从水音聲。而讀去急切者。重讀也。不必从泣。始得聲也。此字禮記僅少儀一見。儀禮凡十一見。士昏禮。大羹滫在。爨。鄭注。今文滫皆作汁。然則滫者。汁之借音字。尤不必曲求其義。附會从月之說也。

估 學記呻其估畢鄭注估視也簡謂之畢說文無估
字檀弓我喪也斯沾鄭注沾讀曰覘覘視也言沾爲
覘之假借字也學記估訓視亦覘之假借字而說文
有沾無估且估字他處罕見疑本作沾水旁譌爲人
旁耳又說文筓折竹箠也从竹占聲潁川名小兒所
書寫爲筓陳氏壽祺曰卽仰其估畢之估王氏引之
曰估亦簡之類故與畢連文浚案以估爲筓之別體
說極新異然鄭注簡謂之畢本爾雅釋器爾雅釋畢
不釋估則估非筓字也

估 樂記五者不亂則無怙愆之音矣說文無怙字愆

在新附鈕氏新附攷有說怙新附作恧鈕氏曰通作
帖亦作苦案作帖本廣韻十三祭恧字注不足據以
二十四鹽恧字注對校之自見鈕蓋未檢二十四鹽
也作苦木史記樂書索隱自是可據又僖公四年公
羊傳卒帖荆此怙字讀他協切何注服也與樂記怙
字異別見卷八

負 樂記禮樂負天地之情鄭注負猶依象也說文無
負字正義兩言負依其字皆作負

殤 樂記胎生者不殤而卵生者不殤鄭注內敗曰殤
殤裂也說文步部有殤字無殤字殤胎敗也从步盥

聲烏沒切卽殪字又頁部頤繫頭殪也此殪字非哈
敗亦非烏沒切一切經音義卷七烏殪下引說文云
暴無知也卷十二卷十三引同玉篇殪又音溫此繫
頭殪殪字之音義卽俗用之瘟字也說文當是本作
殪暴無知也一曰胎敗也今本有奪譌玉篇殪下不
載暴無知一義而存其音所謂疑以傳疑也至段本
刪去胎敗一義改爲暴無知也如此則說文漏殪字
未可從

獲

樂記獲雜子女說文無獲字獲卽獲之變其正字
當作獲詳卷四採下

𨾏 樂記車甲𨾏而藏之府庫鄭注𨾏𨾏字也說文無
𨾏字依注當作𨾏玉篇曰𨾏亦作𨾏

精

𨾏

雜記其精有𨾏鄭注精𨾏將殯之車飾也取名
於𨾏與𨾏櫬棺也𨾏染色赤者也𨾏謂鼈甲邊緣緇
布裳帷罔棺者也裳帷用緇則精用赤矣說文無精
字依義當作精說文精赤繪以茜染故謂之精夫繪
以茜染謂之緇引伸之則凡以茜染皆謂之精精卽
精
定公四年左傳分康叔以精緇亦以精染之緇說
文無𨾏字玉篇𨾏同𨾏案說文𨾏衣蔽前引伸之凡

所以蔽謂之檐。後漢書劉盆子傳：絳檐絡章懷注：檐帷也。車上施帷以屏蔽者，交絡之以爲飾，其字作檐。王勃滕王閣詩序：檐帷暫駐本此。周禮巾車注作檐，亦說文所無。

輶

雜記載以輶車。鄭注：輶讀爲輶。說文解字曰：有輶

曰輪，無輶曰輶。周禮又有蜃車，蜃輶聲相近。以上說

文車部無輶字。輶一曰無輶也。凡鄭云讀爲皆易其

字則輶當作輶。有輶曰輪，無輶曰輶。二語見說文。輪下蜃車見周禮。遂師：蜃輶聲相近者。言辰聲全聲相近，故二字得相通假也。

柎 雜記暢白以柎鄭注柎柏也說文木部無柎字柏
鞠也假革部躡鞠字爲之

袖 雜記纁袖陸釋文曰袖而占反王肅云婦人蔽膝
也說文衣部無袖字襜衣蔽前爾雅釋器衣蔽前謂
之襜郭注今蔽膝也彼釋文曰方言作袖同案方言
四蔽邠齊魯之郊謂之袖則袖卽襜字

綽 雜記使一介老某相執綽說文無綽字案執綽卽
執紼緇衣王言如綸其出如綽鄭注綽引棺索也彼
釋文作紼玉篇綽同紼

穎 雜記如三年之喪則旣穎鄭注穎草名無葛之鄉

去麻則用穎。說文無穎字。械部。縠。帛屬。从械。炎省聲。詩曰衣錦縠衣。去穎切。卽穎字。衣部。裴。縠也。詩曰衣錦裴衣。示反古。从衣。耿聲。去穎切。音義竝同。中庸引詩錦衣尙絅。彼釋文曰絅本又作穎。則穎當作縠。亦可作裴絅也。

輅 雜記以其杖闕轂而輅輪。正義曰輅迴也。說文無輅字。木部。楸。盛膏器。从木。尙聲。讀若過。卽輅字。史記孟子荀卿列傳注輅者車盛膏器也。義合。

偯 雜記童子哭不偯。說文無偯字。閒傳大功之喪三曲而偯。彼釋文曰偯說文作悠。案說文悠痛聲也。从

心依聲。孝經曰：哭不愆。今孝經亦作儗。

驚。雜記：凶年則乘驚馬。說文無驚字，疑古祇作奴，然無可證。

拭。雜記：雍人拭羊。說文無拭字。鄭周禮司尊彝注：況酌者，掬拭勺而酌也。陸釋文作飾。案說文巾部飾，敬也。此飾之本義爲拭之本字。一曰：褻飾也。此飾之引伸義，今引伸義單行，無人知飾卽拭者矣。又通作式。管子輕重篇：桓公使八使者式璧而聘之。荀子禮論篇：不浴則濡巾三式而止。式卽說文之飾。今之拭。

屮。雜記：其屮皆于屋下。鄭注：屮謂將刲牲以鬯先滅。

耳旁毛薦之。周禮有剗岬。案剗岬見秋官士師。然經文實作剗珥。鄭注珥讀爲岬。凡鄭云讀爲皆易其字。故注禮記竟作剗岬。而說文無岬字。許意岬當作珥也。此許與鄭不同處。

塋 喪大記。甸人爲塋于西牆下。陸釋文曰。塋音役。鄭注儀禮云。塊竈也。說文土部無塋字。段陶竈窗也。从土。役省聲。卽塋字。塋蓋垆之不省者。亦通作役。旣夕禮。塋用塊。鄭曰。古文塋爲役。

恍
恍亦作
慌

惚 祭義。夫何恍惚之有乎。下文以其恍惚與神明交。

陸釋文曰惚本又作忽說文心部無惚字亦無恍字
恍字恍狂之兒忽忘也卽恍惚恍惚史記秦始皇本
紀莫不恍惚失守如此作亦作荒忽漢書蕭望之傳
書曰戎狄荒服言其荒忽無常孝武李夫人傳遂荒
忽而辭去王莽傳安頗荒忽

焄 祭義焄蒿悽愴鄭注焄謂香臭也說文無焄字鄭
內則注引春秋傳曰一薰一蕕彼釋文曰薰或作焄
玉藻膳於君有葷鄭注葷或作焄據此則焄者薰葷
之別體說文薰香艸也葷臭菜也與祭義注合

諛 祭統尸諛陸釋文曰諛所六反起也說文無諛字

士虞禮祝入尸諛鄭注古文諛或爲休案許不錄諛字許意諛當作休也今作諛可以髮字代之說文又部叟治稼髮髮進也進義與起義近

愀 哀公問孔子愀然作色說文無愀字呂覽重言篇愀然清靜者衰經之色湫然卽愀然昭公十二年左傳恤恤乎湫乎攸乎亦作湫

脩 坊記民猶脩死而號無告說文無脩字脩卽背之俗體如頁之作脩

躡 三年問躡躡焉說文無躡字躡卽躡之俗體如燭之作躡

裕 深衣裕之高下鄭注裕衣袂當掖之縫也說文無裕字陸釋文曰裕本又作賂案說文月部賂亦下也亦下爲賂故衣袂當掖之縫通謂之賂此引伸義

筭 昏義婦執筭鄭士昏禮注曰筭竹器而衣者其形

蓋如今之筮筭籬矣昏義筭字鄭無注說文竹部無筭字籬

大箕也从竹潘聲市煩切陳氏壽祺曰卽婦執筭之筭案筭籬可以通用而其所據則未詳

廟 射義蓋廟有存者廟卽僅之別體說文所無

磻 聘義君子貴玉而賤磻鄭注磻石似玉或作玟說

文無磻字依注當作玟玉篇玟靡剛切山海經云岐

山其陰多白珉禮記云君子貴玉而賤珉鄭曰石似玉本亦作磳以上玉篇據此則古本又或作珉說文玟珉皆訓石之美者

纘 聘義纘密以桌鄭注纘致也說文無纘字禾部稭種概也引周禮楨理而堅鄭周禮注楨致也與聘義注合陸周禮釋文曰稭本又作纘

擔 喪服四制或曰擔主說文無擔字人部儋何也卽擔字史記淮陰侯列傳守儋石之祿者闕卿相之位漢書此語在闕通傳漢書貨殖傳漿千儋西域傳負水儋糧皆如此作亦通作檐楚辭哀時命負檐倚以丈尺兮王

逸注檐一作檐洪興祖補注檐檐竝都濫切潘廣文錫爵曰

史記虞卿列傳檐簦范睢列傳檐簦皆从木作檐後

漢書孝明帝紀生者無檐石之儲始从手作檐喪服

四制檐主宋本禮記注疏亦从木作檐阮氏校

勘記先以為誤字後以為假借字後說是也

禮記字一百二十 鵠埋筭膝响虹澄薤傳訃十字

不在丙例見卷二

改訂禮記字

媿 內則。姆教媿。媿聽從。鄭注。媿之言媚也。謂容貌也。
說文。女部。無媿字。媿。生子。齊均也。从女。从生。免聲。芳
萬切。薛氏傳。均曰。媿卽此字之省。後案。說文。兔部。媿。
兔子也。玉篇。兔部。媿。方萬切。兔子與說文合。而女部
重出媿字。引說文云。兔子也。以媿爲媿之重文。此後
入據爾雅釋文。竄入。非顧氏之舊。爾雅釋獸。兔子。媿。
陸釋文曰。媿本或作媿。此所謂或本。不得竟以媿爲
媿之重文也。至媿之爲媿。其遞變之迹。尙有可尋。蓋
先移易其偏旁作媿。後又省生而爲媿也。生子齊均。

與媚義亦相引伸。

褶 玉藻。帛爲褶。鄭注。有表裏而無著。說文無褶字。士喪禮。襚者以褶。鄭注。帛爲褶。無絮。雖復與禪同。又曰。古文褶爲襲。案內則寒不敢襲。鄭注。襲謂重衣。夫重衣爲襲。則衣有表裏而無絮。亦謂之襲。引伸之。指也。顧說文。襲左衽袍。內則寒不敢襲。爲假借字。士喪禮。褶。古文作襲。尤假借字。說文別有襲字。袷。重衣也。此重衣之正字。袷。衣無絮。此衣有表裏而無絮之正字。

說文外編卷七

吳縣雷浚

經字

周禮

敝

天官敝人說文無敝字陸釋文曰敝木又作魚案

四 取獸者曰獸人掌取鼈者曰鼈人則掌取魚

者曰魚人是也不必作敝

旂

大宰九貢八曰旂貢說文無旂字玉篇旂或作游

案說文游旌旗之游也此游之本義為旂之本字引

伸之為敖游又引伸之為泳游

廬

鼈人祭祀其廬羸砥說文無廬字爾雅作廬見釋

魚彼釋文作廬則廬卽廬字說文廬階也當作陸也陸者蛙之

古假借字詳爾雅蛙下脩為廬圍為蟠从虫庫

嗽疾醫冬時有嗽上氣疾鄭注嗽欬也上氣逆喘也

說文無嗽字陸釋文曰嗽本亦作欬案說文欬吮也

从欠束聲此字水部漱字以為聲義亦相近引伸之

訓欬

拍玉篇拍普格切拊也說文手部無拍字拍拊也从

手百聲卽拍字周禮醢人脉拍注云鄭大夫杜子春

皆以拍為膊謂脅也或云脉拍肩也此拍字作拍亦

假借其正字當作體說文體肩甲也

箔 醢人箔菹。鄭注：箔，箭萌。說文無箔字。陸釋文曰：箔，爾雅作箒。同。案爾雅釋草：箒，箭萌。注引周禮箒菹。疏云：彼文作箔，則箔卽箒字。說文箒，竹萌也。鄭司農云：箔，水中魚衣。依此義，箔當作箔。

塹 掌舍爲壇。塹，宮棘門。說文無塹字。未詳。

幄 幕人掌帷幕幄帟。綬之事。說文無幄字。木部：榱，木帳也。春官巾車翟車有榱。陸釋文曰：榱，干馬皆作幄。浚案：握者，榱之譌。干馬皆作幄。則榱卽幄字。古又通作屋。大雅：尙不愧于屋漏。鄭箋：屋，小帳也。漢書高帝紀：紀信乃乘王車，黃屋左纛。

纒 履人赤纒黃纒。說文無纒字。未詳。

媼 地官大司徒以本俗六安萬民。一曰媼宮室。說文無媼字。或云卽媮字。錢氏大昕獨以媼字當之。薛氏傳均曰論語微生高微生岐。漢書古今人表微皆作尾。由此例推媼媮可通。

賜 五黨爲州。使之相賜。鄭注賜者爲禮物不備相給足也。說文無賜字。後文鄉師賜萬民之饔。阮鄭司農云賜讀爲周急之周。凡漢人云讀爲皆易其字。則賜當作周。司農語不出於大司徒。而出於鄉師者。司農意大司徒賜字非相給足也。杜子春云賜當作糾。

謂糾其惡司農之意殆與杜同

纛 鄉師及葬執纛說文無纛字玉篇纛徒到切羽葆
幢也亦作翻案說文亦無翻翻之正字作翳詳卷四
翻下

綯 封人置其綯說文無綯字鄭司農云綯著牛鼻繩
所以牽牛者今時謂之雉與古者名同據此是漢時
通作雉後鄭云綯字當以豸爲聲是也而陸釋文曰
綯本又作紉是陸所見本有作紉者案綯字本从系
豸聲通作雉音變讀若茨遂从系引聲作紉此形隨
音變非音隨形變也此字與紉字皆許漏略

鑿

鼓人凡軍旅夜鼓鑿鄭注鑿夜戒守鼓也說文無

鑿字豈部鑿夜戒守鼓也禮昏鼓四通爲大鼓夜半

三通爲戒晨旦明五通爲發明讀若戚卽鑿字

庀

遂師庀其委積故書庀爲比鄭司農云比讀爲庀

庀具也說文無庀字許意從故書作比也後文世婦

比其具大胥比樂官大司馬比軍衆字皆作比讀爲

庀陸釋文作庇則又一本也

溇

草人鹹溇用貆鄭注溇鹵也說文無溇字漢書溝

洫志終古舄鹵兮生稻梁師古曰舄卽斥鹵也言舄

卽禹貢海濱廣斥之斥字也案斥說文作庶不訓鹵

竹之譌。陸釋文作垂。爲假借字。

簪。春官簪人。說文無簪字。簪者簪之省。俗作筮。尤簪之省也。

飶。大宗伯。飶師。兩師。飶者風之異文。說文不載。

膳。以脹膳之禮。親兄弟之國。說文無膳字。僖公二十四年左傳。天子有事膳焉。彼釋文曰。膳。周禮又作籩。案下文鬯人注作籩。說文引左傳亦作籩。炙部。籩。宗廟火孰肉。从炙番聲。春秋傳曰。天子有事籩焉。此膳之正字。孟子。籩肉不至。爲假借字。

碨。典同。高聲碨。說文無碨字。杜子春讀碨爲鏗。鏗之

鏗說文亦無鏗字。鏗之本字作𦉳。說文𦉳餘堅者。从石堅省。口莖切。陳氏壽祺曰。卽高聲砢之砢。

藹 大卜掌三藹之灋。鄭注藹者。人精神所寤。可占者。

陸釋文曰。藹音夢。本多作夢。淺案藹者夢之別體。說文所無。其正字當作𦉳。

噩 占藹。掌占六夢之吉凶。二曰噩夢。杜子春云。噩當爲驚愕之愕。謂驚愕之夢。案噩不成字。說文亦無愕。部首籒下引占夢此文。字作𦉳。爾雅釋天。大歲在酉。曰作噩。陸釋文曰。噩木或作𦉳。盧氏文弼曰。廣韻十。九鐸引作𦉳。𦉳卽又史記諱書。昭陽作鄂。四年。其字

通用鄂漢書天文志在酉曰作詬其字通用詬

襜 巾車木車犬襜駢車然襜說文無襜字巾部幣髮

布也从巾辟聲周禮曰駢車犬幣卽巾車之木車犬
襜駢車然襜蓋兩涉而誤而襜字說文作幣則鑿然
可據儀禮既夕禮記玉藻少儀皆作幣

髻 駢車髻飾說文無髻字玉篇髻同髻說文亦無髻

字集韻以髻髻髻爲一字注云說文泰也一曰赤多
黑少之色或从休亦省據此則髻髻皆髻之或體

攬 大司馬三鼓攬鐸鄭司農云攬讀如弄廟諱謂如涿

鹿之鹿掩上振之爲攬攬者止行息氣也說文無攬

字未詳

駮 及所弊鼓皆駮。鄭注疾雷擊鼓曰駮。說文無駮字。

陸釋文曰駮木亦作駮。案木亦作戒。見夏官大僕。

璿 弁師璿玉三采。陸釋文曰璿木又作珉。說文玉部

無璿字。珉石之美者。

楛 司弓矢。王弓弧弓以授射甲革楛質者。說文無楛

字。部首弓下引司弓矢此文。作甲革甚質。甚字無木

旁。玉篇楛時枕切。桑子也。此楛字本作甚。說文甚

桑實也。

駝 庾人教駝攻駒。鄭司農云馬三歲曰駝。二歲曰駒。

說文馬部。駒，連馬二歲曰駒。三歲曰駝。而篆文無駝。段氏玉裁曰：駝字既見周禮，何以連類言之不錄此篆也？疑周禮故書本作兆。許說解中駝字，非許君原文。後人依周禮改。後案段疑非也。惟說文無駝字，則作兆無不可。此如爾雅釋畜之驪，毛詩作皇也。

嘔 職方氏正北曰并州。其川虜池嘔夷。陸釋文曰嘔。烏侯反。一音驅。說文無嘔字。案此川名。無義可推。哀公二年左傳：伏弢嘔血。杜注：嘔吐也。此嘔字當作歐。說文：歐，吐也。漢書丙吉傳：醉歐丞相車上。如此作。極。壺涿氏若欲殺其神，則以牡棗午貫象齒而沈之。

則其神死。杜子春云：樛讀爲枯。枯榆木名。說文無樛字。許意當作枯也。說文枯。夏書曰：唯箇輅枯木名也。
今禹貢作輅枯

妣

考工記：妣胡之筭。杜子春云：妣書或爲邠。邠胡地名也。筭讀爲橐。謂箭橐。說文有邠字。無妣字。有橐字。無筭字。

柳

刮摩之工。玉柳雕矢磬。說文無柳字。下文柳人。陸釋文曰：柳本或作櫛。廣韻五質。柳逗柳栗逗木名。此柳字當作櫛。蓋此木可爲杖。宋人詩：病憐柳栗隨。

身慣是也。說文：榦，木可爲杖，从木，𠂔聲。親吉切。

竝 輪人竝其輻，廣以爲之弱。鄭司農云：竝讀如紘。紘之紘，謂度之說，文無竝字。凡漢人云讀如，皆同音，可以通用。

槩 牙得則無槩而固。鄭注：槩讀如涅，從木，熨省聲。說文無槩字。後文匠人置槩以懸。鄭注：槩，古文臬，假借字。言槩爲古文臬字。置槩之槩，乃假借字也。據此則輪人槩字亦假借字，其字亦當作臬。

甌 輪雖敝，不甌於鑿。鄭注：甌亦敝也。說文無甌字。陸釋文曰：本又作鄰。後文鄭人注：甌，故書作鄰。鄭司農

云鄰讀爲磨而不磷之磷。此條可與卷一磷字條參看。

攪 晃氏于上之攪謂之髓。鄭注攪所擊之處攪弊也。說文無攪字。其正字當作靡。少儀國家靡敝是也。古或假摩字爲之。變作攪耳。

脮 鮑人欲其柔滑而脮脂之。鄭司農云脮讀如沾渥之渥。謂厚脂之。說文無脮字。先鄭云讀如恐是讀爲之誤。此通其字。非擬其音也。其義訓厚。其字自當作渥。廣雅渥厚也。

欄 說文無欄字。俗用欄杆當作闌干。夫人知之。考工

記幌氏以欄爲灰澼灑其帛鄭注以欄爲灰澼灑釋其帛也此欄字非俗用之欄字蓋棟之異文觀陸音可知鈕氏樹玉曰玉篇棟木名子可以浣衣與考工記合段氏改木部棟篆作欄故其書有欄無棟未可從

盞 幌氏清其灰而盞之說文無盞字盞盞淥之異文說文漉淥也从水鹿聲或从录作淥因變爲盞見玉篇爲盞之重文又變爲盞耳爾雅釋詁盞竭也郭注引月令無漉川澤邢疏云盞卽漉也

絜 矢人絜矢參分其長而絜其一說文無絜字陸釋

文曰。網本又作殺。案說文。殺。戮也。下有重文。殺字。本
从𠄎。轉寫誤爲閃耳。

箕 梓人爲箕。虞。鄭司農云。箕讀爲竹筍之筍。陸釋文
曰。箕本又作筍。案說文無箕字。箕。虛卽筍。虞互詳卷
五。箕下。

庇 車人爲未。庇長尺有二寸。鄭注。庇讀爲棘刺之刺。
刺末下前曲接耜。說文無庇字。棘刺亦假借。其正字
當作束。說文束。木芒也。象形。讀若刺。

割 弓人感于割而休于氣。說文無割字。陸釋文曰。割
本又作腦。案說文作腦。在匕部。

幘 夫筋之所由幘恆由此作鄭司農云幘讀爲車幘
之幘諱廟謂幘絕起也說文無幘字案車幘之幘其字
當作檐詳卷六袂下

周禮字四十有九鞮瑱遂三字不在內例見卷二

儀禮

紒 士冠禮將冠者采衣句紒句鄭注紒結髮又云古
文紒爲結說文無紒字髟部髻髻結也此紒之正字
假借作結結之變爲髻至玉篇遂以髻爲正文髻爲
重文說文髻在新附非許君所有

施 士昏禮纁裳緇施鄭注施謂緣施之言施以緇緣

裝象陽氣下施說文無施字且不成字不知正字當

何作俞太史樾曰施實不成字疑當作

扞 鄉飲酒禮左何瑟後首扞越鄭注扞持也說文手

部無扞字拊捫持也段注謂捫而持之也从手布聲

普胡切音義並合

膾 鄉飲酒記進膾鄭注膾理也進理謂前其本也說

文無膾字陸釋文作進奏注云本又作膾同

臠 鄉射記薦脯用籩五臠祭牛臠橫于上鄭注臠猶

脰也古文臠爲臠今文或作植案說文肉部無臠字

臠大臠也从肉戈聲側吏切此正字重讀如職因變

爲臙。或假作植。又鄉飲酒記注。挺猶臙也。陸釋文曰。臙本亦作穢。案作穢亦假借字。

糝 鄉射記。白羽與朱羽糝。鄭注。糝者雜也。說文無糝字。玉篇。糝同糝。說文。糝。雜飯也。从米丑聲。女久切。又食部。𩚑。雜飯也。从食丑聲。女久切。音義竝同。

醲 聘禮。醲黍。清皆兩壺。說文無醲字。依內則。當是糟字。蓋黍卽黍醴。清糟之黍。清卽梁醴。清糟之清。則醲卽稻醴。清糟之糟也。上言糟。明黍梁皆有糟。下言清。明稻黍皆有清。中言黍。明糟是稻。清是梁也。細讀儀禮賈疏內。則鄭注自見。

牌 喪服傳夫妻牌合也說文無牌字周禮媒氏掌萬
民之判鄭注判半也主合其半成夫婦也引喪服傳
夫妻判合其字作判

衿 喪服傳裳內削幅幅三衿鄭注衿者謂辟兩側空
中央也劉音衿說文無衿字未詳

鬢

纓 士喪禮鬢笄用桑長四寸纓中又曰鬢用組乃笄
說文無鬢字骨部髒骨搃之可會髮者周禮弁師注
引士喪禮檜用組又曰檜讀與澗同書之異耳據此
則鬢之正字當作檜又可通用檜也鄭士喪禮注曰

古文髻皆爲拊。王篇髻同髻。皆當別論。說文無緩。

字未詳。

釋 士喪禮決用正王棘若釋棘。鄭注王棘與釋棘皆

可以爲決。又曰。今文釋爲澤。案說文無釋字。許意用

今文作澤也。

跗 士喪禮綦結于跗。鄭注跗足上也。說文無跗字。小

雅鄂不鞞鞞。鄭箋承華者曰鄂。不當作拊。拊鄂足也。

陸釋文曰。拊亦作跗。案拊者拊之譌字。說文拊闕足

也。引伸爲凡物之足。故虎部虞鐘鼓之拊也。魯頌籩

豆大房。鄭箋大房玉飾俎也。其制足間有橫。下有拊。

皆从木作柎。玉篇跗跌同。說文亦無跌字，則亦當

作柎。

胎 士喪禮去蹄兩胎脊肺。鄭注胎脅也。今文胎爲迫。

下兩胎亞注同。說文無胎字。段氏玉裁曰：訓脅之正

字當依今文作迫。浚案周禮豚拍鄭杜皆以拍爲

俛 士喪禮俛于堂。鄭注俛之言尸也。今文俛作夷。說

文無俛字，彳部俛行平易也。經典凡夷字訓平者皆

俛之假借字。士喪禮俛于堂。今文作夷。疑古文作俛。

俛則俛之譌字也。

柎 士喪禮乃柎。鄭注古文柎爲匕。案上文兩言執匕

至此言乃杙其字自當作匕說文無杙字許意不作杙也

髡 士喪禮髡豆四鄭注髡白也說文無髡字明堂位夏后氏楬豆似本此而字則作楬鄭注楬無異物之飾也案白則無異物之飾可知義亦合也

埽 士喪禮掘埽見衽鄭注埽埋棺之坎也說文步部無埽字埽瘞也从步求聲即埽

桁 既夕禮苞管簠皆木桁鄭注桁所以度苞管簠也說文無桁字雜記簠無管衡鄭注衡當為桁所以度簠之屬案既夕作桁雜記作衡鄭云衡當為

桁而許不錄桁字者許意桁當爲衡也古衡與橫通
衡有橫義桁作衡則屋桁及古樂府還視桁上無懸
衣兩義俱通 玉篇桁又胡岡切大械也此桁字未
詳

梧 既夕禮若無器則梧受之鄭注謂對相授不委地
說文無梧字依義當作梧說文午部梧逆也本从午
轉誤从才 陸釋文作梧

蟬 既夕禮蟬醢鄭注蟬蟬也說文無蟬字爾雅釋蟲
不過 逗 蟪蛄 句 其子蟬蛸說文蝻部 蟲 逗 蟪蛄也从
蝻卑聲或从虫作蝻據此則蟬者蟲之別體

膈 既夕記當膈鄭注膈肩頭也說文無膈字骨部膈

肩前也即膈字从月者从骨之變

纒 既夕記柱右纒左纒說文無纒字未詳

綽 既夕記纒綽纒鄭注一染謂之纒今紅也飾裳在

幅曰綽在下曰綒說文無綽字未詳俞太史懋曰綽疑即綽字

通褌檀弓祛褌之可也注謂緣袂口也二字並可从此

坵 既夕記甸人築坵坎鄭注穿坎之名一曰坵說文

無坵字

館 既夕記主人乘惡車木館鄭注今文館為館說文

無館字亦無館字車部轄鞞端杳也轄一曰鍵也金

部。鍵一曰車轄。轄卽鎡。轄卽鎡。趙岐孟子題辭論語者。五經之鎡鎡。正義曰。鎡鎡。車軸頭鐵也。說文云。車鍵也。所引說文。卽轄下之一曰鍵也。鎡鎡連文。則非一字。故說文轄轄亦各字。既夕今文鎡爲鎡者。鎡鎡一物也。

軼 既夕記軼軸。鄭注軼。古文或作拱。說文無軼字。許意或當作拱也。段氏以輦字當之。其言曰。禮經軼軸。軼卽輦字之異者。又曰。其聲古音在九部。士喪禮軼九勇反是也。士喪禮無軼字。軼在注中。故陸爲作淺音。段引之者。既夕記軼字無音。故也。人不知爲同字。後案軼軸者。遷柩之車。說文輦。大車。

駕馬也。从車其聲。鞞，鞞形聲皆同。義亦近。段云：淺人不知爲同字者。鞞字大徐居玉切故也。

鞞 既夕記乘薦車革鞞。鄭注鞞鞞也。又曰古文鞞爲

殺。說文無鞞字。鞞卽糸部之緹。古文作殺爲假借字。

脰 士虞記膚祭三取諸左脰上。鄭注脰脰肉也。古文

曰左股上。此字從肉殳。殳矛之殳聲。以上案說文無

脰字。從古文作股。又與脰字音義皆不近。鄭注云云。

尤不可曉。下文取諸脰脰。注云：古文脰脰爲頭脰也。

此據阮本脰脰聲同義近。形亦近。疑脰爲脰之別體。如啣之作

脰 股又脰之譌字也。其譌當尙在鄭前

換 特牲饋食禮右取菹換于醢鄭注換于醢者染于
醢說文無換字公食大夫禮坐取韭菹以辨擣于醢
鄭注擣猶染也士虞禮取菹擣于醢字皆作擣說文
擣染也換卽擣之別體 段本手部有換字無擣字
此段臆改未可從

儀禮字三十

重訂周禮儀禮字

纒 履人赤纒黃纒注鄭司農云赤纒黃纒以赤黃之

絲為下緣禮家謂以采絲礫其下說文無纒字疑是

縞字說文縞以絲介履也段氏玉裁曰介者畫也謂

以絲介畫履開為飾也

攬 大司馬三鼓攬鐸鄭司農云攬讀如弄廟謂如涿

鹿之鹿釋曰先鄭云攬讀如弄者直以攬弄聲相近

以振鐸謂之弄也廟謂如涿鹿之鹿者謂從史記黃

帝與蚩尤戰于涿鹿之鹿直取音同不從義也浚案

攬鐸本當作弄鐸古字多假借弄鹿聲相近故假借

鹿爲之後乃加手成攬。說文無攬字。許意正字有弄。假借字有鹿也。此字許所別裁。未必許時無此字。觀先後鄭云云可見。

撈 鄉飲酒禮。左何瑟。後首撈越。鄭注撈持也。賈疏瑟底有孔。越以指深入而持之也。說文無撈字。繫辭傳。剡木爲舟。陸釋文作撈。云木又作剡。案撈剡可以通用。而剡非撈之正字。說文。扞。捫持也。段注謂捫而持之也。从手布聲。普胡切。音義竝合。

齟 既夕記。柱右齟。左齟。說文無齟字。周禮典瑞。大喪其飯玉含玉。柱左右顛。及在口中者。陸釋文曰。顛儀。

禮作顛則顛卽顛字